

WS 1726

B. C. D.

ALMÆ LVDOVICIANÆ

RECTOR

IOH. BARTHOLOMÆUS
RÜDIGER,

SS. THEOL. DOCT. ET PROFESSOR ORDINARIVS,
VNA CVM VNIVERSO

SENATV ACADEMICO
LECTIONES AUTVMNALES
SINGVLORVM

PER OMNES FACVLTATES PROFESSORVM

*GENERE VIRTUTE AC DOCTRINA
FLORENTISSIMIS*

ACADEMIÆ NOSTRÆ STUDIO SIS

INDICE HOC PVBLICO

RITE MERITOQVE

EXHIBET ATQVE

COMMENDAT

SVB SIGILLO ACAD. MAIORI

ANNO MDCCXXVI. DIE XV. SEPTEMB.

G I E S S Æ,

TYPIS VID. IOH. REINH. VULPII, ACAD. TYPOGR.

IN FACULTATE THEOLOG.
JOANNES CHRISTOPH. BIELENFELD,
Theologus Primarius.

Absolutâ nunc primâ parte Epistolæ ad Galatas, secundam eâdem methodo Exegetico-porismatico-homileticâ, locò *Lectioinum publicarum*, pertractabit.

In privatis cursum Theologiæ *Moralis* continuabit, nec non iis Theologiæ Cultoribus, qui, jactò Theseos fundamento, altiora in fidei Mysteriis scrutari, & concinnâ brevitate Sacrum ordinem in crendis & agendis luculenter perspicere cupiunt, ingeniosissimi Theologi B. Dannhaueri Hodosophiam explanabit, simulque per disputationes interpositas omnia sub examen vocabit.

JOH. BARTHOLOMÆUS RÜDIGER,

*SS. Theol. Doct. & Prof. Ordin. Consist. Princip. Assess.
& regionis Marpurgo-Darmst. Superint.*

A conversione hominis peccatoris ad DEVM, eoque spectantibus actibus ac *Mediis*, ad reliqua quæ supersunt istius momenti capita *privatis* lectionibus progredietur, & divina adjutus ope absolvet; *Publicas* horas fascibus Rectoralibus solutus, consimili cuidam argumento ponderoso, ad subveniendum *privatis*, impensurus.

JOH. GOTTFREDUS SCHUPART,

*SS. Theol. P. P. O. Consistorii Princip. Adessor & Diæces.
Alsfeld. Superintendens.*

Publice ad ultima Prophetiarum JESAIÆ exponenda perget. *Privatis* lectionibus porro in Epistolam ad EBRÆOS commentabitur non modo, sed &, duabus quotidie horis, Theologiâ dogmaticam explanabit; addet hæc, ubi vota DNN. Commilitonum ita ferent, Collegium *Fœderale*, quo Oeconomiam salutis per fœdera à Deo cum humano genere inita, iuxta ductum scripturarum, perspicue, & quantum fieri potest, breviter tradet.

JOH. GEORG. LIEBKNECHT,

SS. Theol. D. ejusdemque Prof. P. Ordin.

Publice Disputationes hebdomadales, nec non exercitium homileticum vna cum exegeticis regulis, quas *privatim* hac vsque exposuit, continuabit. Libet insuper ex nonnullorum desiderio B. BAIERI compendium Theologiæ positivæ exponere, nec non certis horis Concilii Tridentini admodum famosi, rationem exponere, vt aliquando Nobilissimi Dn. Commilitones aduersariorum impetus excipere tutius & curatius valeant.

IN FACULTATE IURIDICA.

JO. GODOFREDUS HARTVNGIVS, D.

Consiliarius Hasso-Darmst. & Iur. Prof. Ordin.

An te omnia *Lectiones Publicas Pandectales* ad Compendium Lauterbachianum ea ratione, eoque studio, quo haëtenus tractatæ, continuabit, & si fieri potuerit, ad finem perducet. Tum vero alia non negliget, nec solum desiderantibus *privatim* novum Collegium *Pandectarum* ad Lauterbachium aut aliud non deerit, sed imprimis Collegium *Feudale* ad Jurisprud. suam Feud. in artem redactam meditatur, exquisitori quodam studio pertractandum.

IO. DANIEL GRUBER, D.

Publice commentabitur ad tabulas pacis Westphalicæ hora XI. *Privatim* examen *Institutionum Iustinianearum*, prælectionesque ad *pro-dromum* iuris publici, quibus, non invito nobiliorum diligentiorumque auditorum cœtu, per ipsas ferias nundinales vacat, hora VIII. & IX. breui tempore ad umbilicum perducet: quo facto, ad prælectiones *iuris publici & Canonici*, duce Hornio et Coruino, conuertetur iisdem horis. Porro in gratiam eorum, qui examen *Institutionum* subierunt, consentientibus veteranis, *opus pandectarum*, duce ill. Boehmero, ab ouo ordietur, tractabitque summo studio summaque perspicuitate horis x. & ii. absoluendum haud dubiè hoc semestri hiberno, cuius longiores sunt numeri. Denique selectis ingeniis, quæ ad solidam iuris publici prudentiam

tiam pedetentim sibi comparandam adspirant, prima huius disciplinae fundamenta fideliter atque ingenue proponet ex *historia S. R. Imperii*, quam, duce Schmauffio, cuius naevi nonnulli inter praëlegendam facili opera emendantur, a primis incunabilis per medium ævum deducet vsque ad Maximilianum I. hora III. scholarum recens aperiendarum exordia e valuis publicis propediem indicaturus.

JO. FRIDERICUS KAYSER,

J. V. D. & P. P. Ord.

Publicis Lectionibus in explicando *Examine* juris feudalis *Strykiano* qua potest dexteritate & diligentia continuabit. Privatim vero ad Institutiones Imperatorias commentabitur, cetera pro desiderio Dn. Dn. Commilitonum operam qualemcunque suam atque industriam accommodaturus.

JO. FRIDERICVS WUHL

P. P. Ord.

Publice Schilteri Institutiones juris Canonici explanabit. Privatim Collegia Pandectarum & Institutionum ad finem perducet: novum quoque collegium ad Pandectas & alia, pro desiderio dominorum studiosorum, aperiet.

GEORGIUS LVDOVICVS LEVTNER

PROFESSOR JUR. EXTRAORD. & FACULT.

JURIS ASSESSOR.

Publicis Lectionibus B. Cancell. Hertii Ichnographiam Instituit. Justin. explicabit. Privatim Collegium Jur. Nat. & Gent. ad ductum Instit. I. N. & G. a D. Vitriario dilucide non minus, ac solide editarum denuo auspicabitur, & postquam quatuor diebus Auctoris adserta rationibus adstruxit, vel evidentioribus destruxit, omniaque pertractata negotia ad illustres adplicuit controversias, per disputationes hebdomadales privato-publicas selectas theses more solito disquisitioni subiiciet. Lectiones Pandectarum ad Ill. Boehmeri Introductionem in Jus Digestorum aperiet, eoque præcipue ingenii sui nervos intender, ut Justinianum Legislatorem probe distinguat a vero Doctore, vel Historico. De novo etiam Collegium Institutionale inchoabit, nec in aliis legitimæ scientiæ partibus

bus Jure Publico scilicet ad Henr. a Cocceji Juris Publ. Prudentiam ac Jure Feudali Dnis Commilitonibus deest. Insuper ad Dissertationes de selectioribus materiis defendendas Dnos Commilit. officiosissime invitat.

IN FACULTATE MEDICA.

JOH. CHRISTOPH. HERTIUS, Med. D.

hujusque Prof. & Archiater Hasso-Darmst. Primar.

Ubi otium aulicum ipsi permittet versari in Academia, non deest, si quacunq; ratione Philiatorum conatus promovere poterit.

D. MICH. BERNHARDVS VALENTINI,

Archiater. & Prof. Med. Ord.

Publicè Medicinam Nov-antiquam explicabit: privatim autem collegium paniatricum incipiet, secuturus ductum *tabula Ichnographica Stadii Studique Medici, Aurifodinae Medicæ præfixæ.*

D. JOH. CASIMIR, HERTIUS,

P. P. O.

Publicè non temporis modo favente ratione, sed munere quoque suo ita exigente Sectionibus denuo ac anatomicis demonstrationibus vacabit. Privatim vero id quoque aget, ut in aliis Dn. Dn. Commilitonum captui se accommodet eorundemque desideriis satisfaciat.

IO. MELCHIOR VERDRIES, D.

Medicin. P. P. O.

Qua publice, qua privatim ad desideria & captum Nobiliss. DN. DN. Commilitonum se accommodabit, nec ulla in parte operam ac diligentiam suam desiderari patietur.

CHRISTOPH. BERNH. VALENTINI,

Serenissimi Principis HENRICI, Hassie Landgravii, reliq. diversorumque S. R. I. Comitum Archiater ac extra ordinem Professor Medicus

Ex speciali gratia Serenissimi Acad. Nutricii in aulis medicinam faciens Nobilissimorum Dnn. Philiatorum studia comercio (quod illis offert) literario promovebit, donec Academiae patriæ restitutus viva simul manu-
ductione illis inservire valeat.

IN

IN FACULT. PHILOSOPHICA,
MICHAEL BERNHARD VALENTINI,
Prof. Philos. Experim.

Publicè *Cartesii Tr. de homine* perstringet; privatim se ad vota Dnn. Auditorum accommodaturus.

D. IOH. GEORG. LIEBKNECHT,
Mathematicum Prof. P. Ordin.

Lectiones Mathematicas, tam *publicas*, quam *privatas*, nuperius indicatas, continuabit, & loco Geographiæ, quam absoluit, Opticam, & doctrinam Sphæricam resumet, nec iis deerit, qui Algebram speciatim, aut reliquarum scientiarum principia desiderabunt.

IO. HENR. MAIVS,

Antiquitatum, Graecæque & orientalium linguarum
Professor.

Praelectionibus publicis epistolam ad Ebraeos exactam observationibus variis collustrare perget; privata autem opera, praeter ea, quae auditores forsitan desiderabunt, rem numariam uniuersam, antiquam & recentem, exponet.

D. IO. MELCHIOR VERDRIES,
Physic. P. P. O.

Publice Dissertationibus Nob. DN. DN. Commilitones exercitatiores reddere annitetur, *Privatim Introductionem ad Physic. recentior.* de nouo exponet & illustrabit.

D. JOH. CONRADVS ARNOLDI,
Log. & Metaphys. Prof. P. Ord.

Publice ideam boni disputatoris, aduersus malitiosum sophistam, in primis Theologiæ Polemicæ Studiois necessariam, per theoriam & praxin,

praxin, delineabit. Privatim, exoptandis Auditorum commodis, fidem quoque atque industriam suam locabit; cumque plures hodie nostratum currere, quam lente festinare, atque præcipiti saltu, vix salutato primorum rudimentorum limine, ad superiores Facultates properare malint, quam per gradus ascendere: cursum quoque per disciplinas Instrumentales philosophicum, istorum in gratiam, instituet, rei que literariæ Studiosos, tum privata, tum publica opera, in Museo Bibliothecæ Academicæ, stans horis aperiendo, promte iuvabit.

SEBASTIANUS MASSON, P.

Publice quo minus oblatum circa illustriores iuris vniuersalis materias disputandi exercitium omni diligentia ac feruore porro continuetur per se haudquaquam staturum proficetur; quin, prout rerum fuerit facies, in explicando incomparabilis Grotii de iure belli & pacis opere vires deinde experietur. Privatim collegium ad Pufendorffii compendium de officio hominis & ciuis, porrectum iam ad libr. I. caput XVtum: item ad Buddei doctrinam moralem, cuius residuum vnicum adhuc caput, nempe pars therapeutica, est, quandoquidem per angustias temporis absolueri hæcenus non licuit, præter priuatissimos quos obit cum in ciuili prudentia, tum in aliis labores, debita sedulitate vrgebit, moxque perducere ad finem sataget. Quemadmodum etiam nec nouis qui a se in ea quam agit statione, expetiti fuerint congressibus se volens subtrahet: sed paratissimam potius pro more singulis B. C. D. operam præstabit.

CHRIST. FRIDER. AYRMANNVS,

Histor. P. P.

Repetitis superiori semestri promissis, perget sedulo historiarum solida fundamenta discendi cupidus inculcare, ope historiarum vniuersalis, cuius Epitomen nouam, prælectionibus suis accommodatam, euulgare constituit. Simili ratione & instituto in historia Germanica versabitur. Historiam Hassiacam quoque siue publice, siue priuatim tradet, ad ductum Compendii, quod nuper publici juris fecit Dom. Hartmannus Prof. Marpurgensis, eandemque historiam, ad excessum Philippi Magni perductam, ex actis publicis illustrabit, atque ad nostra producet tempora,

pora, quam primum idoneis huic negotio, sibi a Serenissimo Nutricio clementissime commisso, praesidiis & adminiculis, undique labore multo contrahendis, instructus erit. Offert quoque omnibus & singulis Collegia suo-tempore & ordine aperienda, Chronologicum, Genealogicum, Geographicum, Heraldicum, Rei numariae, antiquariae, diplomaticae, historiae Ecclesiasticae & literariae, ne quis illorum defectum in hac Academia falso allegare & queri possit.

JOHANNES RHENIUS,

Eloquentiae & Poeseos P. P. O.

IN publicis praelectionibus duobus per hebdomadam diebus partitiones Vossii oratorias, duobus selectiores ovidii elegias enucleare perget. Privatim humaniorum literarum studiosorum desideriis satisfaciet.

CHRISTOPH. LVDOVICVS RÜDIGER,

Prof. Phil. Extraord. & Symniysta.

QUod coepit in artis heraldicae, stillae, Geometriae, & iuris naturae praeceptis tradere, id ut quam proxime ad exodium ducat, etiamnum est dissentissimus. Ne vero ingenuarum artium alumni, dedecore in conuictu & consuetudine civili impingant, quo pacto modoque, omnem vultum, habitum & gestum corporis, quin orationem ipsam, ad elegantiae nec non decentiae rationem componere debeant, Collegio Decoris, monstrabit, sicut eorum quoque, qui noua hieme denuo Philosophicas scientias, chrysum secum transire gestiunt, desideriis

annuet.

